



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Liber XVIII. Argvmentvm Libri.

urn:nbn:de:hbz:466:1-10722

D. BURCHARDI. EPIS. VVORMAC.

occisus sit ipse infans vel suffocatus, an propria morte defunctus: non debent inde securi esse, nec sine poenitentia ipsi parentes, sed tamen in eis consideratio debet esse pietatis, ubi non voluntas, sed euentus mortis causa fuit. Si autem eos non latet ipsos eius esse interfectores, scire debent grauiter se deliquisse, quod in Ancirano concilio comprobatur. Quidam autem trium annorum poenitentiam horum iudicant esse debere: quorum vnum ex his exigat in pane & aqua, atque se ab omni luxuria tempore poenitentiae suae custodiat.

De illis foeminis quae abortum fecerint. Cap. LX.

*Ex poenitenti-
ali
Romano.*

SI qua mulier abortum fecerit voluntarie, tribus annis poeniteat.

Finis Libri decimiseptimi.

D. Burchardi

ECCLESIAE VVORMACIENSIS
Episcopi, de Visitatione infirmorum,
Decretorum Liber XVIII.

ARGUMENTVM LIBRI.

Liber hic infirmos à presbyteris visitandos esse, & quae ad hanc visitationem requirantur, edocet.

VM sacerdos audierit aliquem infirmum in sua plebe, citò ad eum pergat, & ingressus cubiculum aquam benedictam super eum, & per omne cubiculum aspergat, cuius antiphona: Asperges me domine, & versu: Exurgat Deus & dissipentur inimici, &c. Deinde dicat orationem: Deus qui sacerdotibus tuis tantam gratiam Deinde cantet septem Psalmos cum precibus pro infirmis. Deinde Ithaniam cantet. Post haec omnes iubeat extra

cubiculum secedere. Et appropinquans lecto quo infirmus decumbit, eum blande leniterque alloquatur, ut omnem spem suam in Deo ponat, ut flagellum Dei patienter toleret, & ut hac ad purgationem, & castigationem suam prouenire credat, ut peccata sua confiteatur, ut emendationem promittat, si dominus vitam concesserit, pœnitentiam pro culpis commissis spondeat, ut substantiam suam dum adhuc sensus & ratio viget, disponat, ut peccata sua elemosynis redimat, ut his qui in se peccauerunt indulgeat, ut rectam fidem, & credulitatem teneat, & si fidem ex integro non sapuerit, presbyter eum docere bebet: & ut de Dei misericordia nunquam desperet, doceat. Cum his & huiusmodi alloquutionibus fuerit mens infirmi releuata, data benedictione, interroget eum de singulis per ordinem.

Quando presbyter domum intrat in qua infirmus iacet, primum dicat.

Pax huic domui.

Et omnibus habitantibus in ea.

Postea benedicetur sal & aqua, & aspergatur in domo cum antiphona.

Benedic domine domum istam, & omnes habitantes in ea, quia tu domine dixisti: pax huic domui, benedic domine timentes te pufillos cum maioribus, benedicti vos domino qui fecit cœlum & terram.

Post hæc canendi sunt septem Psalmi pœnitentiæ. Deinde Lithania. Qua expleta cantetur: Pater noster. Et ne nos inducas in tentationem, Sed libera nos à malo, Amen.

Saluum fac seruum tuum,

Deus meus sperantem in te.

Mitte ei domine auxilium de sancto,

Et de Sion tuere eum.

Nihil proficiat inimicus in eo,

Et filius iniquitatis non apponat nocere ei.

Esto illi domine turris fortitudinis,

A facie inimici.

Dominus conseruet eum, & viuificet eum, & beatum faciat eum in terra, & non tradat in animam inimicorū eius.

Dominus opem ferat illi super lectum doloris eius.

D. BURCHARDI EPIS. VVORMACI

Vniuersum stratum eius versasti in infirmitate eius.

Domine exaudi orationem meam.

Psalms: Miserere mei Deus.

Sequitur Oratio. Oremus.

OMnipotens & misericors Deus, quæsumus immensam pietatem tuam, vt ad introitum in tuo nomine humilitatis nostræ, hunc famulum tuum. N. in hoc habitaculo iacentem fessum, salutiferè visitare digneris, sicut visitare dignatus es domine Tobiam, & Saram socrum Petri, puerumque Centurionis, ita & iste pristina sanitate animæ corporisque recepta, gratiarum tibi in Ecclesia tua referat actionem. Per do.

Tunc detur ei locus secretior confitendi, & quod maximum est, interroget eum de fide Catholica. Et sic dicat.

CRedis in Deum patrem, & filium, & spiritum sanctum? Respon. Credo. Credis quod iste tres personæ vnus Deus sit? Respon. Credo. Credis quod in ipsa ista carne qua nunc es, resurgere habes in die iudicij, & recipere siue bonum siue malum quod gessisti? Respon. Credo. Vis dimittere illis peccata sua qui in te peccauerunt? Respon. Volo. Vis peccata quæ fecisti emendare si reuiuiscas? Respon. Volo.

Postea vngatur. Post confessionem, & fidem redditam, & victionem, dicatur Antiphona.

In veritate tua exaudi me domine. Psalmus.

Domine exaudi orationem meam, auribus percipe.

Deinde kyrie eleison, & Pater noster cum his precibus.

EXurge domine Deus exaltetur manus tua, Ne obliuiscaris pauperum.

Tibi enim derelictus est pauper,

Orphano tu eris adiutor.

Desiderium pauperum exaudiuit dominus,

Præparationem cordis eorum audiuit auris tua.

Mirifica misericordias tuas,

Qui saluos facis sperantes in te.

Tu autem in sancto habitas,

Laus Israël.

Ad te clamauerunt, & salui facti sunt,
In te sperauerunt, & non sunt confusi.
Ne tradas domine bestiis animam confitentem tibi,
Animam pauperis tui ne obliuiscaris in finem.

Postea sequuntur iste Orationes. Oremus.

DEus qui famulo tuo Ezechiæter qui nos annos ad vitam donasti, ita & famulum tuum. N. à lecto ægritudinis tua potentia erigat ad salutem. Per Christum.

Alia.

Respice domine famulum tuum. N. in infirmitate sui corporis laborantem, & animam, refoue quam creasti, vt castigationibus emendatus, continuò se sentiat tua medicina esse saluatam. Per Christum.

Alia.

DEus qui facturæ tuæ pio semper dominaris affectu, inclina aurem tuam supplicationibus nostris, & famulum tuum. N. ex aduersa valetudine corporis laborantem placatus respice, & visita in salutari tuo, ac cœlestis gratiæ ei præsta medicinam. Per Christum.

Alia.

DEus, qui humano generi salutis remedia, & vitæ æternæ munera contulisti, conserua famulo tuo. N. tuarum dona virtutum, & concede vt medelam tuam non solum in corpore, sed etiam in anima sentiat. Per.

Alia.

Virtutum cœlestium Deus, qui ab humanis corporibus omnem languorem, & omnem infirmitatem præcepti tui potestate depellis, adesto propitius huic famulo tuo. N. vt fugatis infirmitatibus, & viribus receptis, nomen sanctum tuum instaurata protinus sanitate benedicat. Per dominum.

Alia.

Domine sanctæ, pater omnipotens, æternæ Deus, qui fragilitatem conditionis nostræ infusa virtutis tuæ dignatione confirmas, vt salutaribus remediis pietatis tuæ corpora nostra & membra vegetentur, super hunc famulum tuum. N. propitiatus intende, vt omni necessitate corporeæ infirmitatis exclusa, gratia in eo pristinae sanitatis perfecta reparetur. Per dominum.

D. BURCHARDI EPIS. VVORMAC.

Alia.

O Remus fratres dominum nostrum pro fratre nostro quem dure ad præsens malum languoris affligit, vt eum domini pietas cœlestibus dignetur curare medicinis vt qui dedit vitam, det & salutem. Per.

Alia.

Domine sanctæ pater omnipotens æternæ Deus qui es via, & veritas, & vita, exaudi & conserua famulum tuum. N. quem viuificasti & redemisti precio magno sancti sanguinis filij tui. Per eundem.

Si infirmus in desperatione fuerit, reconcilia eum caratione his sequentibus orationibus, vt quando conuulerit, secundum canonum & sanctorum patrum statuta, & qualitatem delicti pœniteat.

Reconciliatio infirmi.

Præsta quæsumus domine huic famulo tuo. N. digni pœnitentiæ fructum, vt Ecclesiæ tuæ sanctæ, à cuius integritate deuiarat peccando, admissorum veniam consequendo, reddatur innoxius. Per.

Alia.

Omnipotens sempiternæ Deus. confitenti huic famulo tuo. N. pro tua pietate peccata dimitte, vt non plus ei noceat conscientia reatus ad pœnam, quam indulgentia tuæ pietas proferat ad veniam. Per.

Alia.

Exaudi domine præces nostras, & confitentium tibi parce peccatis, vt quem conscientia reatus accusat, indulgentia tuæ miserationis absoluat. Per dominum nostrum Iesum Christum.